

12-րդ դասարան

Տևողությունը՝ 180 րոպե

Արևամուտին թուխ ամպերը պարուրում են վսեմաշուք Արագածը քառագագաթ ու երկնասլաց *կատարներով* և *մանրագնին* նայողին թվում է պայծառատեսի իր *շնորհով* տեսնում է իրիկնային Հայաստանի ակնապարար ու հովվերգական համայնապատկերը սարերի *փեշերին* հանգրվանած գյուղերի արևի հրակարմիր ճաճանչներով ոսկեզօծված տների տանիքներին իրիկուն է իջնում ճրագալույցի առկայծող լույսերով ողողված ու երդիկներից դեպի երկինք են ելնում ծխի շարասյունները օձագալար կապտաթույր քուլաներով: Լուսաբացին վաղորդայնի մշուշը տարրալուծող արևից հետո գետե տե երևում են սարերի փթթուն լանջերը ոսկևորվում առվակները: Այդ երկնակարկառ լեռների ձյունագես կատարներից սկիզբ առնող աղբյուրները գիրկընդխառն միանալով կազմում են Բանոնի գետակը պաղպաջուն ու սառնորակ կոհակներով նա թվում է սրընթաց գահավիժում է ասես ժամ առաջ *ողջունելու* խիտ *ծառաստաններով* գոտևորված շեների անխոնջ բնակիչներին որ վաղ այգաբացին արթնանալով շտապում են դեպի իրենց այգիներն ու դաշտերը: Իսկ կեսօրին երբ արեգակի ոսկեդեղնա ճառագայթներն ավելի *հեղձուցիչ* են դարձնում տապը դրախտային ձորահովտում սաղարթախիտ ծառի ստվերում թավիշ *կանաչին* այծենակաճը ուսերին, աչքը մակաղած ոչխարների *հոտին* հանգիստն է վայելում հովիվը ըմբռնելով ուրցածաղկի քիմքը խտղտացնող անուշ *բույրը*:

Ինչ հրաշալի է հայկական բնաշխարհը:

1. Կետադրի՛ր համր բնագիրը: (3 միավոր)
2. Նշի՛ր տեքստում թավ և շեղ գրված բառերի շարահյուսական պաշտոնները: (3 միավոր)
3. Տեքստից դուրս գրի՛ր չորս անկանոն բայ: Նշի՛ր՝ որ եղանակաժամանակաձևերում են նրանք դրսևորում անկանոնություն: (2 միավոր)
4. Գրի՛ր 5 պարզ նախադասություն բացառական հոլովի տարաբնույթ կիրառություններով՝ յուրաքանչյուրի կողքին նշելով շարահյուսական պաշտոնը: (2 միավոր)
5. Առանձնացրո՛ւ սխալ գրված բառաձևերը. նշի՛ր ճիշտը. *հիշացրեց, խոնավացնել, օրեկան, մի՛ շտապեցրու, չորսը կտոր, ի հեճուկս քեզ, փախչի՛ր, կայթացնել, ի դեմս նրա, քծնվող, ի թիվս այլոց, բացառությամբ ձեզնից, մի՛ խոսեցեք, հաչալ, ինձ հետ միասին, գրեցե՛ք*: (2 միավոր)
6. Տրված բառերից ընտրի՛ր այն արմատները, որոնք կարող են կազմել համանունների գույգեր և եռյակներ՝ յուրաքանչյուրի դիմաց նշելով իմաստները. *անջրդի, խաժակ, մրահոն, մեկուսի*: (2 միավոր)
7. Գրի՛ր տրված բառերի հոմանիշները կամ բացատրի՛ր բառակապակցությամբ. *ցել, սնար, գեղակն, կափույր, լուտանք, գեղոն, վարանք, արտորալ, քմայքոտ, երեսփոխան*: (1 միավոր)
8. Գրի՛ր շարադրություն «Իմ տունն իմ անառիկ ամրոցն է» վերնագրով (երկու էջի սահմաններում): (5 միավոր)